



Universitätsbibliothek Paderborn

Sancti Agobardi Archiepiscopi Lvgdvnensis Opera

Sancti Agobardi Archiepiscopi Lvgdvnensis Opervm ...

Agobardus <Lugdunensis>

Parisiis, 1666

Epistola ad Ebonem Episcopum Remensem.

urn:nbn:de:hbz:466:1-14657

*AGOBARDI EPISTOLA
ad Ebonem Episcopum Remensem,
De spe & timore.*

Magnificentissimo ac desiderantissimo Domino Patri & Fratri Ebboni Ecclesiæ Remorum Episcopo Agobardus in Domino Deo æternam salutem. Cùm quadam die valde diligenda, honoranda, atque laudanda devotio tua præcipue mihi (cui gratis, id est, absque merito, sola tua te benignitate instigante, piam amicitiam impendis) & manibus gestaret & ore proferret ea quæ ad ædificationem bonarum mentium pertinent, cognoverunt qui præsentes aderant sollertissimam intentionem tuam velle secum semper habere de scripturis diuinis aliqua, in quibus non solum in equum ascendens, sed etiam de equo descendens, pro locis & temporibus congruae quantitatis secundum beatum virum, *qui non abiit in consilio impiorum*, in lege Domini meditareris die ac nocte; quatinus verè esse possis tanquam lignum juxta fluenta Scripturarum plantatum, cujus omnia prosperantur quæ facit. & quæ facit utique poma & folia, quæ intelliguntur facta & dicta; ut poma sint in actibus, folia in verbis, cujus ligni folium non defluit: quia (secundum quod scriptum est de Samuele, *Non cadit de omnibus sermonibus ejus in terra.*) curat sollicitè, ne quid frivolum vel inane proferat, quod obliuione potius quam memoria dignum

Psal. 1.

1. Reg. 31

Ait. Sic enim Apostolus unanimem comitem instruit, dicens: *Ineptas autem & aniles fabulas devita. & iterum præcipit denunciare quibusdam, ne intendant fabulis & genealogiis intermixtis, quæ quæstiones præstant magis quam adificationem quæ est in fide.* Et iterum: *Prophana au-*

1. Timot. 4.
1. Timot. 1.
2. Timot. 2.

tem & inaniloquia devita. Multum enim proficiunt ad impietatem, & sermo eorum ut cancer serpit. Igitur Deo devota & fidelis sanctitas tua cum mihi dignaretur talia pandere, suggestum est à me ut in primis juberet tibi scribere in eodem quod gestabas Enchiridion de divinis libris arduas & difficiles sententias ad observandum, quæ præcipuae sunt ad deprimendas per timorem mentes hominum, ne elevari possint in vanam præsumptionem; & his diu diligentèque perspectis, juberet demum talia quæ viderentur congrua, proprio inserere manuali. Cumque hæc ego suggestissimè, dignatus es præcipere, ut ego inchoarem sicut mihi videbatur, & sanctitati tuæ dijudicanda transmitterem. *Omnis itaque Scriptura divinitus, ut ait Apostolus, inspirata, utilis est ad docendum, ad corripiendum, ad erudiendum in justitia, ut perfectus sit homo Dei, ad omne opus bonum instructus.* Quæ Scriptura, tantæ perpetuiratis est, ut auctor illius, sempiterna Veritas, Verbum & Sapientia Patris, Dominus & Redemptor noster testetur de illa, dicens: *Facilius est cælum & terram transire, quam de lege unum apicem caderre.* Et iterum: *Cælum & terra transibunt, verba vero mea non transient.* Cumque hæc perennia verba, plena sint regulis morum, ac disciplinarum, atque virtutum, operis, & fidei, inter

2. Timot. 5.
Matth. 5.

78 S. AGOBARDI EPISTOLA
cetera extant duæ res penitus necessariæ moderationi mentium humanarum, id est, spes & timor, de quibus sacerdotibus & omnium plebium doctoribus Dominus mysticè per legem præcipit dicens: *Non auferes loco pignoris superiorem & inferiorem molam.* Quæ molæ licet utrumque testamentum rectè figurare possint, intelliguntur tamen utiliter spes & timor; ut inferior dicatur timor, superior spes. Cui autem una defuerit, farinam facere non potest: quia in mente sua nihil sanum pertractare potest, quem aut timor sine spe premit, aut spes sine timore levat. Vnde Psalmista in utrumque conjungens dicit: *Beneplacitum est Domino super timentes eum, & in eis qui sperant super misericordia ejus.* Iudas denique proditor, post dominicam traditionem, quia sine spe timuit, dicens, *Peccavi tradens sanguinem justum,* ideo abiens laqueo se suspendit, & crepuit medius, atque effusa sunt viscera ejus. E contrario autem, quia sine timore sola spe elevabantur illi qui Domino respondebant *Semen Abraham sumus, & nemini servivimus unquam,* dedicati sunt credere in Salvatorem, quia præsumebant non se esse saluandos, sed salvatos. cuius rei exemplis tota est plena Scriptura divina. Semper autem necesse est ut hæ duæ molæ fidelium mentibus incessanter adsint; ut quia spes animum semper erigit, metus autem premit, & metus spem & spes temperet metum; ac ne spes in superbiam erigat, metus continuò adjacens mentem premat; rursum, ne immoderatus metus animum in desperationem obruat, hunc confessim spes erigat.

Deuter. 24.

Psal. 146.

Matth. 27.
Act. 1.

Ioan. 3.

Metus namque, si sine spe fuerit, desperatio re-
ctius vocatur. Spes vero, si fuerit sine metu,
vana præsumptio esse monstratur. Tali namque
temperamento, quasi quodam antidoto, vult
nos cœlestis medicus uti; utpote qui solus est
scrutator & cognitor internarum infirmitatum,
cui dicitur, *Tu solus nosti corda filiorum homi-*
num. Quique dicit: Ego sum scrutans renes &
corda. cuius sermo est vivus & efficax, & pe-
netrabilior omni gladio ancipi, & pertingens
usque ad divisionem animæ ac spiritus, compa-
gnum quoque ac medullarum, & est discretor
cognitionum & intentionum cordis; sciens
mentem humanam his duabus virtutibus in me-
ditullo stabiliter posse servari. Cùm hæc ergo
ita sint, visum mihi est ut primùm de illis sen-
tentiis quæ ad inferiorem molam pertinent, id
est, ad ineffabilem terrorem mentium, quo-
niam sunt nimis arduæ, aliqua describam; ut
quia præceptum nobis est ut cum timore & tre-
more nostram ipsorum salutem operemur, &
omnes fideles salutem desiderant, priùs illa
cum quibus salus operatur, id est, timor & tre-
mor, in studiis nostris fundentur; ut superpo-
nenda, quia facilitiora sunt, istarum impulsione
necessariò requirantur. Nam & naturale est ani-
mæ humanæ, ut timorem non sine quadam mo-
lestia tolerans, rursum sponte ad spem recurre-
rere festinet, quæ lætior putatur; quanquam
timor non sit minùs necessarius & utilis. Quia
igitur si de omnibus divinis libris hujusmo-
di sententias excerpimus, nimis prolixum
opus efficitur, illas nunc nobis assumere suffi-
ciat quæ in promptu habentur, & magis in

*3. Reg. 2.**Apoc. 2.**Hebr. 4.**Philipp. 2.*

80 S. AGOBARDI LIBER

usu; maximè quia & vos tale fieri jussistis opus;
quod paulisper manu gestetur, non quod in ar-
mario vel in scrinio reservetur. Hæc mihi igi-
tur inchoanti obtulit se prima illa sententia
septimi psalmi, quam cantamus, dicentes:
*Domine Deus meus, si feci istud, si est iniquitas
in manibus meis, si reddidi retribuentibus mihi
malum, decidam meritò ab inimicis meis inanis.*
*Persequatur inimicus meus animam meam, &
comprehendat & conculcat in terra vitam meam,
& gloriam meam in pulverem ducat.*

Multa desunt.

A G O B A R D I L I B E R

De divina psalmodia.

QUIA nuper stultus & improbus, ipsa-
que stultitia & improbitate sua omnibus
notus calumniator erupit, qui sanctam Eccle-
siam nostram, id est, Lugdunensem, non so-
lùm verbo, sed etiam scriptis lacerare non ces-
sat, quasi non rectè, nec more paterno sive usu,
divinæ decantationis sollemnia peragente, ne-
cessè fuit omnem sacrorum officiorum seriem,
quæ solito cantorum ministerio per totum anni
circulum in ecclesiasticis conventibus exhibe-
tur, sicut in eadem Ecclesia favente Dei gratia
custoditur, diligenter & plenius in libello
quem usitato vocabulo Antiphonarium nun-
cupant, colligere, atque digerere; præmissa
scilicet præfatione pij & orthodoxi patris, cu-
jus probatissima fides atque doctrina in munere
Domini Dei nostri omnibus examinata ac de-
clarata